


Broj: 03-02-588/2017
Sarajevo, 23.06.2017. godine

**PARLAMENT FEDERACIJE
BOSNE I HERCEGOVINE**

- **Predstavnički/Zastupnički dom -
gosp. Edin Mušić, predsjedavajući**

- **Dom naroda -
gđa Lidija Bradara, predsjedavajuća**



PREDMET: Mišljenje Vlade Federacije Bosne i Hercegovine

Poštovani,

U skladu sa članom IV.B.3.7.c) (III) Ustava Federacije BiH, a u vezi sa odredbama čl. 165. i 172. Poslovnika Predstavničkog doma Parlamenta Federacije BiH („Službene novine Federacije BiH“, br. 69/07 i 2/08) i čl. 157. i 164. Poslovnika o radu Doma naroda Parlamenta Federacije BiH („Službene novine Federacije BiH“, br. 27/03 i 21/09), u prilogu Vam dostavljam **Mišljenje Vlade Federacije Bosne i Hercegovine o Prijedlogu zakona o izmjenama i dopunama Zakona o pomilovanju Federacije Bosne i Hercegovine, koji je, radi razmatranja i usvajanja po skraćenom postupku, podnio Dennis Gratz, poslanik u Predstavničkom domu Parlamenta Federacije BiH, a koje je Vlada Federacije Bosne i Hercegovine utvrdila na 107. sjednici, održanoj 22.06.2017. godine.**

S poštovanjem,

PREMIJER

Fadil Novalić

Prilog: kao u tekstu

**Cc: Federalno ministarstvo pravde
gosp. Mato Jozić, ministar**

Na osnovu člana 51. Poslovnika o radu Vlade Federacije Bosne i Hercegovine - Prečišćeni tekst - („Službene novine Federacije BiH“, br. 6/10, 37/10 i 62/10), a u vezi sa odredbama čl. 165. i 172. Poslovnika Predstavničkog doma Parlamenta Federacije Bosne i Hercegovine („Službene novine Federacije BiH“, br. 69/07 i 2/08) i čl. 157. i 164. Poslovnika o radu Doma naroda Parlamenta Federacije Bosne i Hercegovine („Službene novine Federacije BiH“, br. 27/03 i 21/09), nakon razmatranja Prijedloga zakona o izmjenama i dopunama Zakona o pomilovanju Federacije Bosne i Hercegovine, koji je, radi razmatranja i usvajanja po skraćenom postupku, podnio Dennis Gratz, poslanik u Predstavničkom domu Parlamenta Federacije BiH, Vlada Federacije Bosne i Hercegovine je, na 107. sjednici, održanoj 22.06.2017. godine, utvrdila sljedeće

MIŠLJENJE

Naziv zakona koji je predmet izmjena i dopuna je „Zakon o pomilovanju“ a ne „Zakon o pomilovanju Federacije Bosne i Hercegovine“ o čemu se treba voditi računa prilikom korištenja u nazivu prijedloga zakona kao i predloženim zakonskim odredbama. Prijedlog zakona također ne sadrži završnu odredbu odnosno odredbu kojom se propisuje vrijeme stupanja na snagu zakona.

Članom IV.B.3.7.a) (VI) Ustava Federacije Bosne i Hercegovine jasno je propisana nadležnost predsjednika Federacije Bosne i Hercegovine te je isti nadležan za davanje pomilovanja za krivična djela propisana federalnim zakonima osim u slučajevima ratnih zločina, zločina protiv čovječnosti i genocida. Akt pomilovanja predstavlja akt milosti koji je na temelju navedene ustavne odredbe u isključivoj nadležnosti predsjednika Federacije Bosne i Hercegovine. U tom smislu bilo kakva značajnija izmjena navedenog instituta u Federaciji Bosne i Hercegovine nužno zahtijeva i izmjene Ustava Federacije Bosne i Hercegovine. Predloženim zakonom nude se samo parcijalna rješenja koja ne nude sveobuhvatna rješenja u uređivanju instituta pomilovanja u Federaciji Bosne i Hercegovine niti se putem izmjena zakona, ograničenih isključivom ustavnom odredbom, mogu ponuditi značajnije izmjene u definiranju ovog instituta.

V. broj: ~~887~~ 887/2017
22.06.2017. godine
Sarajevo

